

სს „სილქნეტის“ კუთვნილი ქსელის საკომუტაციო ტერმინალურ  
ელემენტებთან დაშვებისა და ურთიერთჩართვის (სატელეფონო ზარების  
წამოწყება/დასრულების) მომსახურების შეთავაზების წინადადება

(მ ო წ ვ ე ვ ი ს ო ფ ე რ ტ ა)

ქ. თბილისი

2018 წელი

წინამდებარე ოფერტით განსაზღვრულია სს „სილქნეტის“ (შემდგომში: „ოფერენტი“) კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების შეთავაზების პირობები, რომელიც ვრცელდება „ოფერენტთან“ ურთიერთჩართვის მსურველ ყველა ავტორიზირებულ პირზე (შემდგომში „აქცეპტანტი“) და მიღებულია ინფორმაციის გამჭვირვალობის უზრუნველყოფის ვალდებულების შესრულების მიზნით.

„ოფერენტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდება ხორციელდება შემდეგი პირობებით:

**1. „ოფერენტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების მისამართები (ურთიერთჩართვის წერტილი)**

1.1. ოფერენტს, მისი კუთვნილი ფიქსირებული სადენიანი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) (შემდგომში „ურთიერთჩართვის“) მომსახურების მიწოდების ვალდებულება დაკისრებული აქვს საქართველოს კომუნიკაციების ეროვნული კომისიის 2010 წლის 17 სექტემბრის N428/9 გადაწყვეტილების ის მეოთხე პუნქტით განსაზღვრულ ადგილობრივი მომსახურების ზონებში (გარდა რუსთავისა და ლენტეხის ადგილობრივი მომსახურების ზონისა). „ოფერენტის“, როგორც მოძრავი საკომუნიკაციო ქსელის ოპერატორის ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) საბითუმო ბაზრის შესაბამისი სეგმენტის გეოგრაფიულ საზღვრად განსაზღვრულია საქართველოს მთელი ტერიტორია;

1.2. ოფერენტის კუთვნილ ქსელთან ურთიერთჩართვის მომსახურების მიწოდების მისამართებია (ურთიერთჩართვის წერტილი):

**1.2.1. ფიქსირებული სადენიანი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) წერტილი:**

- 1.2.1.1. თბილისის ადგილობრივი მომსახურების ზონა – თბილისი, წინამძღვრიშვილის ქ. #95;
- 1.2.1.2. ქუთაისის ადგილობრივი მომსახურების ზონა – ქუთაისი, თამარ მეფის გამზ. #22;
- 1.2.1.3. ბათუმის ადგილობრივი მომსახურების ზონა – ბათუმი, 26 მაისის ქ. #47;
- 1.2.1.4. მომსახურების სხვა ზონები, რომლებიც განსაზღვრულია საქართველოს კომუნიკაციების ეროვნული კომისიის 2010 წლის 17 სექტემბრის N428/9 გადაწყვეტილების მეოთხე პუნქტით (გარდა რუსთავისა და ლენტეხის ადგილობრივი მომსახურების ზონისა);

**1.2.2. მოძრავი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) წერტილი:**

- 1.2.2.1. თბილისი - შ.რუსთაველის გამზირი N31;
- 1.2.2.2. ქუთაისი - თამარ მეფის გამზ. #22;

1.3. აქცეპტანტი ვალდებულია საკუთარი ხარჯითა და რისკით უზრუნველყოს ციფრული ტრაქტების მიყვანა 1.2. პუნქტით გათვალისწინებულ მისამართებამდე (ურთიერთჩართვის წერტილ(ებ)ამდე).

**2. ურთიერთჩართვის წერტილებში ტექნიკური საშუალებების გამოყენებული ინტერფეისების აღწერილობა**

2.1. ოფერენტის მიერ ურთიერთჩართვის განხორციელებისას გამოყენებული ინტერფეისის აღწერილობა: Digital Interface ITU-T Rec. G.703, carrier E1, Audio codec G.711.

2.2. CCS 7 სიგნალიზაციის შემთხვევაში ურთიერთჩართვა უნდა განხორციელდეს შემდეგი პარამეტრების მიხედვით: Signaling Type - ISUP V1; Spans - SLC=0; Dialing Mode (Outpulse) – Enbloc; Echo Control – YES; PCM Type – CCS, Allocation of the CICs (Circuit Identification Code): ITU Q.763 (03/1993) § 1.2.a

PCM system identities start from binary zero: CIC = PCM\*32 + TS. PCM: 0-n ; TS : 0-31;

**2.3.** ოფერენტისა და აქცეპტანტის (შემდგომში: „მხარეების“) ურთიერთჩართვა ასევე შესაძლოა განხორციელდეს VOIP ტექნოლოგიით SIP სიგნალიზაციის გამოყენებით.

**2.4.** აქცეპტანტი ვალდებულია თავისი საქმიანობა განახორციელოს „საქართველოს ელექტრონული საკომუნიკაციო ქსელების ნუმერაციის ეროვნული სისტემის დებულების“ შესაბამისად ოფერენტის ქსელის მიმართულებით განხორციელებულ ზარებს მოაყოლოს ზარის წამომწყები აბონენტის ნომერი („ა“ ნომერი). წინააღმდეგ შემთხვევაში ოფერენტს უფლება ექნება არ განახორციელოს ზარების გატარება.

**2.5.** წინამდებარე „ოფერენტის“ 1.2. პუნქტით გათვალისწინებულ მომსახურების ზონებში აქცეპტანტის მიერ ურთიერთჩართვის მომსახურების მიწოდების მოთხოვნის შემთხვევაში, ოფერენტი იტოვებს უფლებას აქცეპტანტს შესთავაზოს ურთიერთჩართვის წერტილის მოწყობა სხვადასხვა ალტერნატიული ტექნოლოგიური/ტექნიკური საშუალებებით.

**2.6** ადგილობრივ ქსელში ზარის დასრულებისას ოპერატორი ვალდებულია დაიცვას შემდეგი პირობები:

**2.6.1** ქსელის მფლობელი ოპერატორებისათვის A ნომერის ფორმატი უნდა იყოს „სააბონენტო“ და B ნომერი ფორმატი უნდა იყოს ნაციონალური (ქალაქის კოდი, სააბონენტო ნომერი);

**2.6.2** ტრანზიტული ოპერატორები (არაქსელისმფლობელი) A და B ნომრის ფორმატი უნდა იყოს ნაციონალური (ქალაქის კოდი, სააბონენტო ნომერი);

**2.6.3** ქსელის მფლობელი + ტრანზიტორი - ზარის ტიპი ნაციონალური;

**2.7.** წინამდებარე მუხლის 2.6. პუნქტით გათვალისწინებული ფორმატისგან განსხვავებული ფორმატით ოფერენტის ქსელში ზარის შემოსვლის შემთხვევაში, ოფერენტი იტოვებს უფლებამოსილებას განახორციელოს ამგვარი ფორმატით შემოსული ზარების შეზღუდვა.

### 3. „ოფერენტის“ კუთვნილ ქსელთან ურთიერთჩართვის მომსახურების მიწოდების ტარიფები

#### 3.1. ადგილობრივ ზარებზე:

| ურთიერთჩართვის მომსახურება ფიქსირებული სადენიანი ქსელი  | 2018 წლის 1 ივლისიდან | 2019 წლის 1 იანვრიდან |
|---|-----------------------|-----------------------|
| ზარის წამოწყება ადგილობრივ დონეზე, თეთრი, დღგ-ს გარეშე. | 1,04                  | 0,38                  |
| ზარის წამოწყება ტრანზიტულ დონეზე, თეთრი, დღგ-ს გარეშე.  | 1,05                  | 0,41                  |
| ზარის დასრულება ადგილობრივ დონეზე, თეთრი, დღგ-ს გარეშე. | 0,99                  | 0,28                  |
| ზარის დასრულება ტრანზიტულ დონეზე, თეთრი, დღგ-ს გარეშე.  | 1,01                  | 0,32                  |

| ურთიერთჩართვის მომსახურება მოძრავი საკომუნიკაციო ქსელი | 2018 წლის 1 ივლისიდან | 2019 წლის 1 იანვრიდან |
|--|-----------------------|-----------------------|
| ზარის წამოწყება, თეთრი, გადასახადების გარეშე.          | 2,16                  | 1,44                  |
| ზარის დასრულება, თეთრი, გადასახადების გარეშე.          | 1,81                  | 0,75                  |

**3.1.1.** ოფერენტის კუთვნილ ფიქსირებულ უსადენო ქსელთან, ასევე რუსთავის ფიქსირებულ სადენიან ქსელთან ურთიერთჩართვის მომსახურების მიწოდების ტარიფი შეადგენს ყოველ ერთ წუთზე 4 (ოთხი) თეთრს, ხოლო რუსთავის ფიქსირებულ სადენიან ქსელთან ტანდემური ზარის ტარიფი ყოველ ერთ წუთზე შეადგენს 5 (ხუთი) თეთრს, დღგ-ს ჩათვლით.

**3.2.** მესამე ოპერატორის ქსელში ზარის ტრანზიტული გატარების ტარიფი შეადგენს ზარის დასრულებისათვის ოფერენტის მიერ ფაქტიურად გასაწევ ხარჯს დამატებული ერთი თეთრი, დღგ-ს ჩათვლით.

**3.2.1.** ოფერენტთან არაპირდაპირი, ტრანზიტული კავშირის ოპერატორის საშუალებით ჩართვის შემთხვევაში, აქცეპტანტი უზრუნველყოფს ყველა სატრანზიტო ხარჯის დაფარვას. მომსახურების სახიდან გამომდინარე, აქცეპტანტი ფარავს ზარის წამოწყებისა და ტრანზიტული მომსახურების საფასურს ან ზარის დასრულებისა და ტრანზიტული მომსახურების საფასურს.

**3.3.** ყველა შეერთება ოპერატორებს შორის იქნება სახეობითი, შესაბამისად აქცეპტანტი ვალდებულია წერილობითი სახით მიაწოდოს ოფერენტს ინფორმაცია, თუ რომელი არხიდან განახორციელებს ადგილობრივი (ლოკალური) ზარების გატარებას და რომლიდან - საერთაშორისო ზარების, (ყოველი ცალკეული არხის მაიდენტიფიცირებელი მონაცემების მითითებით).

**3.4.** აქცეპტანტის მიერ ოფერენტისთვის მოწოდებული მონაცემების შესაბამისად განისაზღვრება ზარების ტარიფიცირებისა და დაბეგვრის ოდენობა, რომელზეც, შესაბამისად, სრულად და ერთპიროვნულად პასუხისმგებელი იქნება აქცეპტანტი.

**3.5.** კანონმდებლობით დადგენილ შემთხვევებში, ოფერენტის ინიციატივით, მის მიერ გაწეულ მომსახურებაზე პირობების ცვლილება შესაძლებელია განხორციელდეს ცალმხრივად, აქცეპტანტისთვის წერილობითი შეტყობინების გაგზავნის საფუძველზე. შეტყობინება უნდა გაიგზავნოს ცვლილების განხორციელებამდე მინიმუმ 2 (ორი) კვირით ადრე მაინც. შეტყობინებას უთანაბრდება კანონმდებლობით დადგენილ შემთხვევაში, ოფერენტის მიერ ახალი ტარიფების გამოქვეყნება საქართველოს კომუნიკაციების ეროვნული კომისიის ვებ გვერდზე ინტერნეტში ([www.gncc.ge](http://www.gncc.ge)).

**3.6.** იმ შემთხვევაში, თუ აქცეპტანტი არ ეთანხმება მომსახურების პირობების ცვლილებას, იგი ვალდებულია წინამდებარე მუხლის 3.5 პუნქტით გათვალისწინებულ ვადაში წერილობით აცნობოს ოფერენტს. აღნიშნული ქმედება განხილულ იქნება როგორც უარი მომსახურების მიღებაზე, შესაბამისად, ოფერენტი უფლებამოსილია დამატებითი გაფრთხილების გარეშე შეწყვიტოს/შეაჩეროს ოფერტით (ოფერტით განსაზღვრულ მომსახურებაზე გაფორმებული ხელშეკრულებით (ასეთის არსებობის შემთხვევაში)) გათვალისწინებული მომსახურება, კანონმდებლობით დადგენილი წესის შესაბამისად.

**3.7.** თუ წინამდებარე მუხლის 3.5 პუნქტით გათვალისწინებულ ვადაში აქცეპტანტი წერილობითი ფორმით არ განაცხადებს უარს ოფერენტის მიერ განსახორციელებელ ცვლილებ(ებ)აზე, ჩაითვლება, რომ აღნიშნული ცვლილება აქცეპტანტის მიერ მიღებულ იქნა უპირობოდ.

#### **4. „ოფერენტის“ კუთვნილ ქსელთან ურთიერთჩართვის განხორციელების პირობები და პროცედურები:**

**4.1.** „აქცეპტანტი“ ვალდებულია წარმოადგინოს:

- ა) ავტორიზაციის დამადასტურებელი დოკუმენტი;
- ბ) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- გ) უფლებამოსილი პირის პირადობის მოწმობის ასლი;
- დ) გასააქტიურებელი ნუმერაციის რესურსის სანებართვო მოწმობის ასლი ან/და სხვა შესაბამისი დოკუმენტი რომელიც ადასტურებს აქცეპტანტის მიერ ნუმერაციის რესურსის კანონიერად ფლობის ფაქტს;
- ე) სრულად შევსებული განაცხადი (დანართი #1), განაცხადი იგზავნება ელექტრონულად მისამართზე: [carriers.request@silknnet.com](mailto:carriers.request@silknnet.com) და ფოსტით მისამართზე: სს „სილქნეტი“, წინამძღვრიშვილის #95, თბილისი, საქართველო;

**4.2.** აქცეპტანტს განაცხადის გაკეთების მომენტისათვის არ უნდა გააჩნდეს ოფერენტის წინაშე ვადადამდგარი ფინანსური ვალდებულება (დავალიანება).

**4.3.** ურთიერთჩართვის ტექნიკური უზრუნველყოფის ვადების ათვლა იწყება მხოლოდ იმ შემთხვევაში, თუ 4.1. პუნქტით განსაზღვრული დოკუმენტაცია აქცეპტანტის მიერ ოფერენტისათვის წარდგენილია როგორც ელექტრონული ფორმით, ასევე წერილობით.

**4.4.** აქცეპტანტის მიმართვიდან 2 სამუშაო დღის ვადაში ოფერენტი შეისწავლის, აკმაყოფილებს თუ არა აქცეპტანტის მიერ წარმოადგენილი დოკუმენტაცია და წერილობითი განცხადება 4.1. პუნქტში დაფიქსირებულ მოთხოვნებს. თუ აქცეპტანტი ვერ აკმაყოფილებს 4.1. პუნქტის მოთხოვნებიდან ერთ-ერთს ან/და გააჩნია დავალიანება ოფერენტის მიმართ, მას უბრუნდება განაცხადი და ჩაითვლება რომ აქცეპტი არ გაკეთებულა.

**4.5.** ოფერენტის 4.4. პუნქტის შესაბამისად დადებითი პასუხის შემთხვევაში, აქცეპტანტის მიმართვიდან 4 სამუშაო დღის ვადაში, ოფერენტი შეისწავლის არის თუ არა ურთიერთჩართვის განხორციელება ტექნიკურად შესაძლებელი აქცეპტანტის მიერ წინამდებარე ოფერენტის 4.1. პუნქტის ე) ქვეპუნქტის მიხედვით

წარმოდგენილ განაცხადში აღწერილი სქემითა და საშუალებებით და შეესაბამება თუ არა ისინი წინამდებარე ოფერტასა და წარმოდგენილ განაცხადში აღწერილ ტექნიკურ პარამეტრებს.

**4.6.** ოფერტის 4.5. პუნქტის შესაბამისად უარყოფითი პასუხის შემთხვევაში, თუ ტექნიკური შესაბამისობის მიღწევა შეუძლებელია, „აქცეპტანტს“ უბრუნდება განაცხადი და ჩაითვლება, რომ აქცეპტი არ გაკეთებულა.

**4.7.** აქცეპტანტის მიერ წინამდებარე ოფერტის 4.1. პუნქტით დადგენილ პირობათა დაკმაყოფილებისას, (გარდა იმ შემთხვევისა, როდესაც აქცეპტანტის მოთხოვნის დაკმაყოფილება შეუძლებელია), ოფერენტი ვალდებულია განმცხადებელს გაუგზავნოს მის მიერ ხელმოწერილი ურთიერთჩართვის შესაბამისი ხელშეკრულება. აქცეპტანტი ვალდებულია 7 (შვიდი) კალენდარული დღის ვადაში მის მიერ ხელმოწერილი ხელშეკრულება უკან დაუბრუნოს ოფერენტს. თუ ამ ვადაში ხელმოწერილი ხელშეკრულება არ იქნება დაბრუნებული, ჩაითვლება, რომ აქცეპტანტი უარს აცხადებს ოფერტაზე და ოფერენტი უფლებას იტოვებს დაუყოვნებლივ შეწყვიტოს აქცეპტანთან ფაქტობრივი/სამართლებრივი ურთიერთობები (მათი არსებობის შემთხვევაში).

**4.8.** მხარეები, ურთიერთჩართვის ხელშეკრულების გაფორმებასთან ერთად, 5 (ხუთი) დღის ვადაში შეათანხმებენ წინამდებარე ოფერტის 4.1 პუნქტის ე) ქვეპუნქტის მიხედვით წარმოდგენილ განაცხადში მოთხოვნილ დამატებითი მომსახურებების (ასეთის არსებობის შემთხვევაში) პირობებს და შეთანხმების მიღწევის შემთხვევაში, გააფორმებენ შესაბამის დანართს ურთიერთჩართვის ხელშეკრულებაზე.

**4.9.** ის ავტორიზებული პირები, რომლებსაც აქვთ ოფერენტთან წინამდებარე ოფერტის შესაბამისად გაფორმებული მოქმედი ურთიერთჩართვისა და თანალოკაციის ფართთან დაშვების ხელშეკრულება, დამატებითი სიმძლავრის, დამატებითი თანალოკაციის ფართის ან/და დამატებითი ურთიერთჩართვის წერტილთან დაშვების მოთხოვნის შემთხვევაში ვალდებული არიან იმოქმედონ ოფერტის მე-4 მუხლით დადგენილი წესით.

**4.10.** ოფერენტის ქსელის საკომუტაციო ტერმინალურ ელემენტებთან დაშვებისა და ურთიერთჩართვის მომსახურების მიწოდებისათვის საჭირო კონკრეტული თანალოკაციის ფართების მისამართი ემთხვევა შესაბამისი ურთიერთჩართვის წერტილის მისამართს. ფართზე დაშვების პირობები (მათ შორის დაშვების საფასური) განსაზღვრულია #2 და #3 დანართებით;

## **5. ანგარიშსწორების პირობები**

**5.1.** ანგარიშსწორება წარმოებს „შემდგომი“ გადახდის სისტემით.

**5.2. შემდგომი გადახდის სისტემის თანახმად:** მხარეებს შორის ანგარიშსწორება წარმოებს ყოველთვიურად, გაწეული მომსახურებების შესახებ საოქმო გადაწყვეტილების საფუძველზე, სრული მოცულობით, არაუგვიანეს საანგარიშო თვის მომდევნო თვის შემდეგი თვის 10 (ათი) რიცხვისა.

**5.3.** მხარეებს შორის გაწეულ მომსახურებებზე ყოველთვიურად ფორმდება საოქმო გადაწყვეტილება. საოქმო გადაწყვეტილებაში აღნიშნული უნდა იყოს მომსახურების სახეები, მხარეთა კუთვნილი თანხები და საბოლოოდ გადასახდელი თანხა. საბოლოოდ გადასახდელი თანხა მოიცავს მოთხოვნა-ვალდებულებათა ურთიერთგაქვითვის შედეგად დარჩენილ თანხას, გარდა საავანსო ანგარიშზე არსებული თანხებისა (ბალანსის სახის მიუხედავად). ანგარიშსწორების ვადა განისაზღვრება საანგარიშო თვის მომდევნო თვის შემდეგი თვის არაუგვიანეს 10 რიცხვისა. მხარეები ერთმანეთს ელექტრონული ფოსტის გამოყენებით უგზავნიან ინფორმაციას მათ მიერ გაწეული მომსახურების შესახებ (გაწეული მომსახურების სახის, მისი ოდენობისა და საფასურის მითითებით) არაუგვიანეს საანგარიშო თვის მომდევნო თვის 10 (ათი) რიცხვისა (ოფერენტისთვის მონაცემების მიწოდება ხდება ელექტრონული ფოსტის მისამართზე: [invoices@silknet.com](mailto:invoices@silknet.com)). აქცეპტანტის მიერ მონაცემების დროულად არ წარმოდგენის შემთხვევაში გაწეული მომსახურებების შესახებ საოქმო გადაწყვეტილების შედგენა ხდება ოფერენტის მონაცემების საფუძველზე. ოფერენტი გაწეული მომსახურებების შესახებ საოქმო გადაწყვეტილებას აქცეპტანტს უგზავნის არაუგვიანეს საანგარიშო თვის მომდევნო თვის 15 (თხუთმეტი) რიცხვისა, ხოლო აქცეპტანტი მის მიერ ხელმოწერილ ამავე საოქმო გადაწყვეტილების ერთ ეგზემპლარს ოფერენტს უბრუნებს არაუგვიანეს საანგარიშო თვის მომდევნო თვის 20 (ოცი) რიცხვისა.

**5.4.** ორაზროვნების თავიდან აცილების მიზნით, წინააღმდეგობა მხარეების მიერ წარმოდგენილ მონაცემებს შორის არსებობს მხოლოდ მაშინ, როდესაც ერთ-ერთი მხარე წერილობითი ფორმით და წინამდებარე პუნქტის მიხედვით დადგენილი პირობების დაცვით მეორე მხარეს წარუდგენს გადაანგარიშების მოთხოვნას, საოქმო გადაწყვეტილების წარდგენიდან არაუგვიანეს 5 (ხუთი) სამუშაო დღის ვადაში. მხარის მიერ გადაანგარიშების მოთხოვნაში დაფიქსირებული უნდა იყოს დარიცხული თანხის რა ნაწილს ეთანხმება იგი და რას არა, რა საფუძველით ხდის სადაოდ დარიცხულ

თანხას. ასევე, გადაანგარიშების მოთხოვნას თან უნდა დაერთოს ყველა ის დოკუმენტი თუ სხვა სახის მტკიცებულება, რომელიც ადასტურებს მხარის მოთხოვნის საფუძვლიანობას. იმ შემთხვევაში, თუ მხარეთა მიერ წარმოდგენილ ტრაფიკის ოდენობის შესახებ მონაცემებში განსხვავება არ არის 1.5 პროცენტზე მეტი, რაც თავის მხრივ, არ უნდა იყოს 200 (ორასი) ლარზე მეტი, მხარეების მიერ მისაღები თანხები აღიარებულ იქნება საკუთარ საბილინგო მონაცემებზე დაყრდნობით (ანუ თითოეული მხარე შემოსავლის ნაწილში ეყრდნობა საკუთარ საბილინგო მონაცემებს, ხარჯვით ნაწილში – მეორე მხარის საბილინგო მონაცემებს).

**5.5.** ოფერტის 5.4. მუხლით განსაზღვრულ შემთხვევაში, თუ არსებობს წინააღმდეგობა მხარეების მიერ წარმოდგენილ მონაცემებს შორის, აქცეპტანტი ოფერენტს აწვდის სადაო თვის სასადაგურო ჩანაწერებს და სხვა საჭირო მონაცემებს. ამასთან, სასადაგურე ჩანაწერებისადმი მინიმალური მოთხოვნა არის csv ფორმატი და ველები: Date; Time; cic; opc; dpc; Number A; Number B; Cause; Total time; Answer time; Duration. გადაანგარიშების მოთხოვნის მიღებიდან 2 სამუშაო დღის ვადაში შეუთანხმებელ ნაწილზე მხარეები ქმნიან ერთობლივ კომისიას, რომელიც 20 (ოცი) სამუშაო დღის ვადაში სწავლობს მხარეთა მიერ წარმოდგენილ შესაბამის დოკუმენტაციას და უზრუნველყოფს შეუთანხმებელი ნაწილის შეთანხმებას. მონაცემთა კორექტირება განხორციელდება შეთანხმების ოქმის საფუძველზე ოქმის შედგენიდან 5 (ხუთი) სამუშაო დღის ვადაში და აღნიშნული არ წარმოშობს მხარეებისთვის დამატებით ვალდებულებებს. იმ შემთხვევაში, თუ მხარეები ვერ მიაღწევენ შეთანხმებას, თითოეული უფლებამოსილია მიმართოს საქართველოს კომუნიკაციების ეროვნულ კომისიას ან/და სასამართლოს. იმ შემთხვევაში, თუ მხარე უმიზეზოდ უარს ამბობს ოქმის ხელმოწერაზე ან/და შეგნებულად ხელს უშლის ერთობლივი კომისიის მუშაობას, ერთობლივი კომისიის მუშაობის, საქართველოს კომუნიკაციების ეროვნულ კომისიას ან/და სასამართლოში დავის განხილვის პერიოდში, ოფერენტი უფლებამოსილია შეწყვიტოს ან/და შეაჩეროს მომსახურების გაწევა, კანონმდებლობით დადგენილი წესის შესაბამისად.

**5.6.** ანგარიშსწორების ვადის გადაცილების შემთხვევაში, ოფერენტი უფლებამოსილია აქცეპტანტს დააკისროს პირგასამტეხლო გადასახდელი თანხის 0.2%-ის ოდენობით ყოველ ვადაგადაცილებულ დღეზე. ამასთან, აქცეპტანტის მიერ ჩარიცხული თანხებიდან პირველ რიგში დაიფარება პირგასამტეხლო/ჯარიმა (ასეთის არსებობის შემთხვევაში), ხოლო შემდეგ – ძირითადი დავალიანება.

**5.7.** პირგასამტეხლო(ებ)ის დაკისრება წარმოადგენს ოფერენტის უფლებას და არა ვალდებულებას, აქცეპტანტის მიმართ. პირგასამტეხლოს მოთხოვნის უფლება წარმოიშობა აქცეპტანტისთვის ოფერენტის წერილობითი მოთხოვნის წარდგენის დღიდან, ამასთან პირგასამტეხლოს ოდენობის დარიცხვა განხორციელდება ანგარიშსწორების ვადის გადაცილების დღიდან, მიუხედავად წერილობითი მოთხოვნის წარდგენის თარიღისა.

**5.8.** ოფერენტი უფლებამოსილია წინამდებარე ოფერტით და მის საფუძველზე გაფორმებული ხელშეკრულებით გათვალისწინებული უფლება/საჩქეიები, რომლებიც წარმოშობილია აქცეპტანტის მხრიდან ვალდებულებების დარღვევის შედეგად, თავისი შეხედულებისამებრ გამოიყენოს როგორც ცალ-ცალკე, ასევე ერთობლივად.

**5.9.** ფინანსური ვალდებულების დარღვევაში იგულისხმება დადგენილ ვადაში აქცეპტანტის მიერ ოფერენტისათვის თანხის გადაუხდელობა ან/და არასრულად გადახდა.

**5.10.** თანხა გადახდილად ითვლება მხოლოდ იმ შემთხვევაში, როდესაც იგი აისახება ოფერენტის შესაბამის საბანკო ანგარიშზე.

**5.11.** აქცეპტანტი ვალდებულია ყოველდღიურად აკონტროლოს მის მიერ ოფერენტისგან მისაღები/მიღებული ურთიერთჩართვის მომსახურების მოცულობა.

## **6. „ოფერენტის“ კუთვნილი ქსელთან ურთიერთჩართვის მომსახურების მიწოდების შესაბამისი ხელშეკრულების მოქმედების ვადა და შეწყვეტის პირობები:**

**6.1.** ურთიერთჩართვის ხელშეკრულება მოქმედებს ერთი წლის ვადით.

**6.2.** თუ აქცეპტანტი ხელშეკრულების მოქმედების ვადის დამთავრებამდე 15 (თხუთმეტი) კალენდარული დღით ადრე წერილობითი ფორმით არ შეატყობინებს მეორე მხარეს ხელშეკრულების შეწყვეტის შესახებ, „ხელშეკრულება“ ავტომატურად გრძელდება ყოველი მომდევნო ერთ წლით, იგივე პირობებით.

**6.3.** ურთიერთჩართვის ხელშეკრულების შეწყვეტა ხორციელდება წინამდებარე ოფერტის პირობათა შესაბამისად, ასევე საქართველოს მოქმედი კანონმდებლობით დადგენილი წესითა და საფუძველებით.

## **7. ინფორმაციის გაცვლა მხარეთა შორის**

**7.1.** მხარეები თანხმდებიან, რომ გაცვლიან ქსელის ტექნიკურ და სხვა ინფორმაციას, რომელიც საჭიროა ხარისხიანი, ხელმისაწვდომი და ეფექტური ურთიერთჩართვის უზრუნველსაყოფად. ამასთან, ერთ-ერთი მხარის მიერ მიწოდებული ნებისმიერი სახის ინფორმაცია ჩაითვლება კონფიდენციალურად. ეს ინფორმაცია შეიძლება გამოყენებული იქნას მხოლოდ იმ მიზნებისათვის, რისთვისაც ის იქნა მიწოდებული.

**7.2.** ამ ოფერტის 7.1. პუნქტით დადგენილი ინფორმაციის გარდა, გადასაცემ ინფორმაციად მიიჩნევა ბილინგის ინფორმაცია.

**7.3.** მხარეები არ არიან უფლებამოსილნი მეორე მხარის ნებართვის გარეშე გადასცენ მესამე პირს ზემოხსენებული ინფორმაცია, თუ კანონის საფუძველზე არ არსებობს ასეთი ინფორმაციის გამჟღავნების ვალდებულება.

**7.4.** ინფორმაციის მიწოდების პერიოდულობა განისაზღვრება მხარეთა საჭიროების მიხედვით. მეორე მხარის მიერ ინფორმაციის მიწოდების შესახებ განცხადების მიღების შემთხვევაში, სათანადო ინფორმაცია გაცემულ უნდა იქნას არაუგვიანეს 10 (ათი) სამუშაო დღეში.

## **8. “ოფერენტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების ექსტრაორდინალურ და ფორსმაჟორულ შემთხვევებთან დაკავშირებული პირობები**

**8.1.** ოფერენტმა და აქცეპტანტმა 5 (ხუთი) სამუშაო დღით ადრე უნდა შეატყობინონ ერთმანეთს მათი ქსელის გეგმიური სარემონტო ან სხვაგვარი სამუშაოების ჩატარების შესახებ, რამაც შეიძლება გამოიწვიოს ურთიერთჩართვის ტრაფიკის გატარების შეფერხება.

**8.2.** ოფერტის 8.1 პუნქტით გათვალისწინებული წინასწარი გაფრთხილების ვადა შეიძლება შემცირდეს ან საერთოდ გამოირიცხოს, თუ სარემონტო, ან აღდგენითი, ან სხვაგვარი სამუშაოების ჩატარება ოფერენტს არ შეეძლო წინასწარ გათვალისწინებინა და თუ სამუშაოების ჩატარება საჭიროა დაუყოვნებლივ, როცა დაყოვნებამ შეიძლება გამოიწვიოს ქსელის ტექნიკური საშუალებების დაზიანება ან სხვა მძიმე შედეგი. ამ პუნქტით გათვალისწინებული გარემოების დადგომის შემთხვევაში, ოფერენტი აქცეპტანტს აცნობებს წერილობით აღნიშნული გარემოების დადგომიდან 5 (ხუთი) სამუშაო დღის ვადაში.

**8.3.** მხარეებმა დაუყოვნებლივ უნდა შეატყობინონ ერთმანეთს მათი ქსელის ყველა იმ დაზიანების შესახებ, რამაც შეიძლება გავლენა მოახდინოს ურთიერთჩართვის მომსახურების მიწოდებაზე და შესთავაზოს ალტერნატიული გზები ტრაფიკის გასატარებლად, ასეთის არსებობის შემთხვევაში.

**8.4.** მხარეები თავისუფლდებიან პასუხისმგებლობისაგან მათ მიერ ნაკისრი ვალდებულებების სრული ან ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია ოფერტით გათვალისწინებული ვალდებულებების შესრულება;

**8.5.** დაუძლეველი ძალის ქვეშ იგულისხმება გარემოებები, რომლებიც არ არსებობდნენ ხელშეკრულების დადების დროს და რომელთა დადგომა თუ ზემოქმედება ხელშეკრულების მხარეებს არ შეეძლოთ თავიდან აეცილებინათ და გადაეღახათ;

**8.6.** დაუძლეველი ძალის გარემოებებს მიეკუთვნება სტიქიური უბედურებები (წყალდიდობა, მიწისძვრა, ხანძარი და სხვა) აფეთქებები (მათ შორის ტერორისტული თუ დივერსიული აქტები), საომარი მოქმედებები (მათ შორის სამოქალაქო არეულობები და გაფიცვები), ხელისუფლების ისეთი აქტები, რაც არსებითად აფერხებს ხელშეკრულების მხარეთა მიერ ნაკისრი ვალდებულებების შესრულებას და სხვა;

**8.7.** თუ ზემოხსენებულმა გარემოებებმა უშუალოდ იმოქმედეს ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება. ხელშეკრულების მხარე, რომლისათვისაც ფორსმაჟორული გარემოებების დადგომის გამო შეუძლებელი გახდა ვალდებულებების შესრულება, ვალდებულია დაუყოვნებლივ, მაგრამ არა უგვიანეს 7 (შვიდი) დღისა ამ გარემოებების დადგომიდან ან დასრულებიდან, შეატყობინოს ხელშეკრულების მეორე მხარეს წერილობით. შეუტყობინებლობის, ან დაგვიანებით შეტყობინების შემთხვევაში ხელშეკრულების მხარე კარგავს უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისაგან გათავისუფლების საფუძველს.

## 9. ქსელის საკომუნიკაციო ტერმინალურ ელემენტებთან დაშვებისა და ურთიერთჩართვის უსაფრთხოების დაცვა

**9.1.** ოფერენტი და აქცეპტანტი ვალდებული არიან უწყვეტ რეჟიმში აკონტროლონ ქსელის უსაფრთხოება და გამართული ფუნქციონირება.

**9.2.** მოთხოვნის შემთხვევაში, მხარეები ვალდებული არიან #2 დანართის პირობათა შესაბამისად უზრუნველყონ ერთმანეთის თანამშრომელთა დაშვება არსებულ შეერთებებთან.

**9.3.** ავარიის შემთხვევაში (ანუ მხარეთა ტექნიკური საშუალებების ისეთ დაზიანება, რაც არ არის გამოწვეული ფორს-მაჟორული გარემოებებით), მხარე, რომლის ტექნიკური საშუალებებიც გამოვიდნენ მწყობრიდან დაუყოვნებლივ ატყობინებს მეორე მხარეს ავარიის შესახებ და იღებს ყველა ზომას, რათა მინიმალურ ვადებში აღმოფხვრას ავარიის შედეგები და აღადგინოს ურთიერთჩართვა კონკრეტულ ან ყველა ურთიერთჩართვის წერტილში.

**9.4.** აქცეპტანტი იღებს ვალდებულებას, რომ მისი აპარატურა და დანადგარები, რომლებიც მიერთებული იქნებიან ოფერენტის აპარატურასთან, იქნება თავსებადი, არ დააზიანებს ოფერენტის აპარატურას ან/და არ გამოიწვევს ოფერენტის ქსელის ნორმალური ფუნქციონირების საზიანო ხელშეშლას, არ გამოიწვევს რეალური ინფორმაციის მოდიფიკაციას ან დამატებითი ინფორმაციის წარმოქმნას, რაც ხელს შეუშლის მიწოდებული მომსახურების შესახებ ჭეშმარიტი სურათის დადგენას.

**9.5.** ოფერენტის 9.4. პუნქტში მითითებული გარემოებების დადგომისას, თუ სხვა საშუალებით საფრთხის არიდება შეუძლებელია, ითვლება რომ სახეზეა ფორს მაჟორული გარემოებ(ებ)ი და ოფერენტი უფლებამოსილია შეაჩეროს ურთიერთჩართვა და დაუყოვნებლივ მიიღებს ყველა ზომას ხელისშემშლელი ფაქტორების აღმოსაფხვრელად, მათ შორის მიმართავს საქართველოს კომუნიკაციების ეროვნულ კომისიას. საჭიროების შემთხვევაში მხარეები შექმნიან ერთობლივ კომისიას. საზიანო ხელშეშლა გულისხმობს ხელშეშლას, რომელიც საზიანო (მაგნი) ზეგავლენას ახდენს მხარის კუთვნილი ქსელის ელემენტებზე, აპარატურაზე, მოწყობილობებზე, ბოლო მომხმარებლის ტერმინალურ მოწყობილობებზე და ნებისმიერ საგანზე, რომელიც შეაფერხებს ურთიერთჩართვას ან დაუკარგავს ხარისხს ან გამოიწვევს ურთიერთჩართვის გაწყვეტას ან რაიმე სახის ზეგავლენას მოახდენს ქსელის უსაფრთხოებაზე ან საფრთხეს შეუქმნის მის გამართულ ფუნქციონირებას და ურთიერთობერაბელურობას.

**9.6.** მხარეები ვალდებული არიან დაიცვან ქსელის მთლიანობა და უსაფრთხოება, არ დაუშვან საკუთარ ქსელში და ქსელის ელემენტებთან ნებისმიერი არასანქცირებული შეღწევა. ასეთი ფაქტის დაფიქსირების შემთხვევაში, მხარე, რომლის ქსელიდან მოხდა არასანქცირებული შეღწევა არ თავისუფლდება მეორე მხარის წინაშე ანგარიშსწორების და ზიანის მიყენების შემთხვევაში მისი ანაზღაურების ვალდებულებისაგან. არასანქცირებული შეღწევა გულისხმობს მესამე პირის მიერ ოფერენტის/აქცეპტანტის ქსელის ან ქსელის ელემენტების გამოყენებას, რომელიც არ არის ნებადართული (სანქცირებული) ოფერენტის/აქცეპტანტის მიერ, ეწინააღმდეგება მათ ნებას და არ გამომდინარეობს წინამდებარე ოფერენტითა და მათ შორის გაფორმებული ხელშეკრულებიდან.

**9.7.** ურთიერთჩართული ან ურთიერთჩართვის მსურველი ავტორიზებული პირი იძლევა გარანტიას და იღებს ვალდებულებას, რომ არ გამოიყენებს წინამდებარე ოფერენტით გათვალისწინებულ ქსელთან დაშვებას, ოფერენტის ან მესამე ოპერატორის ქსელის მიმართულებით სპამის, დაუშვებელი პროდუქციის, თაღლითური მქედების (ფროდი), საზიანო პროგრამული უზრუნველყოფის გავრცელებისათვის/განხორციელებისთვის. პირი ასევე ვალდებულია უზრუნველყოს ზარის წამომწყები აბონენტის ნომრის (ა ნომერი) ოფერენტისათვის გამჭირვალედ გადაცემა.

**9.8.** ოფერენტი და აქცეპტანტი (ურთიერთჩართული ან ურთიერთჩართვის მსურველი ავტორიზებული პირი) იღებენ ვალდებულებას, რომ დაიცავენ საკუთარი ქსელის ინტეგრაციას და უსაფრთხოებას, შესაბამისი პროგრამული უზრუნველყოფის საშუალებით დანერგვენ მექანიზმებს, რომელიც უზრუნველყოფს საკომუნიკაციო მომსახურებაში არსებული თაღლითური ქმედების (“ფროდი”) ეფექტურ აღმოჩენას და დროულად რეაგირებას. ამავე დროს, მხარეები თანხმდებიან, რომ მჭიდროდ ითანამშრომლებენ ამ პუნქტით გათვალისწინებული ორმხრივი ვალდებულებების შესასრულებლად.

**9.9.** ამ მუხლით გათვალისწინებული ვალდებულების შესრულების უზრუნველსაყოფად და ოპერატიული რეაგირების მიზნით, ნებისმიერ შემთხვევაში, როდესაც ოფერენტს გააჩნია საფუძვლიანი ეჭვი, რომ მიწოდებული „მომსახურება“ (ურთიერთჩართვა) გამოყენებულია „ფროდის“ მიზნით ან დაკავშირებულია „ფროდთან“, ოფერენტი იტოვებს უფლებას შეაჩეროს ზარების მიღება, რის შესახებაც ოპერატიულად აცნობებს ურთიერთჩართულ პირს, კომისიას და შესაბამის სახელმწიფო ორგანოებს. ასეთ შემთხვევაში, ფროდთან ასოცირებული ტრაფიკი ჩაითვლება საერთაშორისო ტრაფიკად და დაერიცხება შესაბამისი საფასური.

**9.10.** ყველა აქცეპტანტი (ურთიერთჩართული ავტორიზებული პირი), რომელიც სარგებლობს საერთაშორისო და ადგილობრივი ზარის ოფერენტის ქსელში დასრულების (ტერმინაციის) მომსახურებით, ოფერენტის მოთხოვნის შემთხვევაში, ვალდებულია გამოყოს და დააიდენტიფიციროს არხი („ტრანკი“), რომელიც გამოიყენება მხოლოდ საერთაშორისო ზარების ოფერენტის ქსელში დასასრულებლად. ამ არხის საშუალებით შემოსული ნებისმიერი ზარი ჩაითვლება საერთაშორისო ზარად და დაერიცხება შესაბამისი საფასური სს „სილქნეტის“ კუთვნილი ქსელის საკომუტაციო ტერმინალურ ელემენტებთან დაშვებისა და საერთაშორისო ზარ(ებ)ის დასრულების მომსახურების შეთავაზების წინადადების (მოწვევის ოფერტის) შესაბამისად. საერთაშორისო ზარისთვის გათვალისწინებული ტარიფის დარიცხვის გარდა, ოფერენტი ასევე უფლებამოსილია დაარიცხოს აქცეპტანტს ჯარიმა ასეთი ზარის ღირებულების (საერთაშორისო ზარის ტარიფით) ოცმაგი ოდენობით. გარდა აღნიშნულისა, აქცეპტანტი რეგრესის წესით აუნაზღაურებს ოფერენტს ყველა იმ დანახარჯს, საურავს, სანქციას, ჯარიმას, ზარალს, რომლის გადახდაც მოუწევს ოფერენტს სახელმწიფო ან კერძო სტრუქტურებისთვის მის სისტემაში ასეთი ზარის გატარებისათვის. ოფერენტი უფლებამოსილია აქცეპტანტის მხრიდან ყოველგვარი წინასწარი თანხმობის გარეშე ლოკალური ზარებისთვის განკუთვნილი ფორმატით ან/და ლოკალური ზარებისთვის განკუთვნილი არხებით საერთაშორისო ზარ(ებ)ის განხორციელების შემთხვევაში, ამგვარ ზარებზე დარიცხული ტარიფის ამოღება განხორციელოს სს „სილქნეტის“ კუთვნილი ქსელის საკომუტაციო ტერმინალურ ელემენტებთან დაშვებისა და საერთაშორისო ზარ(ებ)ის დასრულების მომსახურების შეთავაზების წინადადებით (მოწვევის ოფერტით) გათვალისწინებული საგარანტიო თანხიდან.

**9.11.** იმ შემთხვევაში, თუ აქცეპტანტი საერთაშორისო ზარს განხორციელებს ლოკალური ზარებისთვის განკუთვნილი ეროვნული ფორმატით ან/და ლოკალური ზარებისთვის განკუთვნილი არხებით, ოფერენტი უფლებამოსილია საქართველოს კომუნიკაციების ეროვნული კომისიის თანხმობით შეაჩეროს ტრაფიკის გატარება.

**9.12.** წინამდებარე ოფერტის მიზნებისთვის, „ფროდი“ განიმარტება, როგორც ტექნიკური საშუალებების გამოყენებით ან მათი გამოყენების გარეშე, ისეთი ქმედებების განხორციელება, რაც იძლევა „მომსახურებისთვის“ დაწესებული „მომსახურების ღირებულების“ გადახდისაგან თავის არიდების შესაძლებლობას.

**10. „ოფერენტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების შესაბამისი ხელშეკრულებებიდან გამომდინარე დავების განხილვის წესი:**

მხარეები შეეცდებიან ურთიერთმოლაპარაკების საფუძველზე გადაჭრან ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება საქართველოს კომუნიკაციების ეროვნული კომისიის ან/და სასამართლოს მიერ საქართველოს კანონმდებლობის დადგენილი წესით.

**11. დასკვნითი დებულებები**

**11.1** ხელშეკრულებისა და მოწვევის ოფერტის პირობების კოლიზიის (ურთიერთგამომრიცხავი დებულებების არსებობის) შემთხვევაში, უპირატესობა ენიჭება მოწვევის ოფერტას, გარდა იმ შემთხვევისა, როცა ხელშეკრულება ითვალისწინებს მომსახურების მიღების უკეთეს პირობებს. მოწვევის ოფერტაში ცვლილებების შეტანის ან ახალი მოწვევის ოფერტის მიღებისა და საქართველოს კომუნიკაციების ეროვნული კომისიის ვებგვერდზე გამოქვეყნების შემთხვევაში, შეცვლილი/ახალი მოწვევის ოფერტა ავტომატურად ხდება შესაბამისი ხელშეკრულების განუყოფელი ნაწილი, გამოქვეყნების დღიდან ან თავად მოწვევის ოფერტაში მითითებული თარიღიდან.

**12. ოფერტის მოქმედების ვადა**

**12.1.** წინამდებარე ოფერტა ძალაშია საქართველოს კომუნიკაციების ეროვნული კომისიის ოფიციალურ ვებგვერდზე ინტერნეტში ([\\_www.gncc.ge](http://www.gncc.ge)) გამოქვეყნების დღიდან და მოქმედების ვადა განისაზღვრება 2 (ორი) წლით.

დანართი #1

სს `სილქნეტის` კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მოთხოვნის (განაცხადის) ფორმა.

1. მომსახურების ტიპი

ახალი მოთხოვნა  
 ურთიერთჩართვის მოწყობა

2. საკონტაქტო ინფორმაცია (ივსება ოპერატორის მიერ)  
 ინფორმაცია კომპანიის შესახებ

|                         |  |
|-------------------------|--|
| საკონტაქტო პირის ნომერი |  |
| კომპანიის სახელწოდება   |  |
| ხელმძღვანელი პირი       |  |
| საიდენტიფიკაციო ნომერი  |  |

3. მომსახურების სახე

ურთიერთჩართვის წერტილი:  
 თბილისი  
 ქუთაისი  
 ბათუმი

|   |   |
|---|---|
| ძირითადი მომსახურება:   |   |
| სილქნეტის ადგილობრივი<br><input type="checkbox"/> მომსახურების ზონაში ქსელში ტრაფიკის ტერმინაცია/ორიგინაცია | საქართველოს დანაჩენ ტერიტორიაზე სილქნეტის<br><input type="checkbox"/> ადგილობრივი მომსახურების ზონაში ქსელში ტრაფიკის ტერმინაცია/ორიგინაცია |

E1 რაოდენობა:  
 ადგილობრივი ტრაფიკის გატარებისთვის:  
 10 log channel რაოდენობა:  
 ადგილობრივი ტრაფიკის გატარებისთვის:

დამატებითი მომსახურება:

ტრანზიტი მესამე ოპერატორის ქსელში (ადგილობრივი)

თანხის ამოღების მომსახურება

4. სასადგურე ინფორმაცია/უზრუნველყოფა

|                          |  |
|--------------------------|--|
| ადგილმდებარეობა          | ოპერატორი  |
| სიგნალიზაციის ტიპი       | SS7  |
| სიგნალიზაციის პოინტ კოდი | <input type="checkbox"/> International, Network Indicator NI = 0 5803 decimal , 2-213-3 international format<br><input type="checkbox"/> National, Network Indicator (1-3) NI = <input type="text"/> |

5. თანალოკაცია

|   |  |
|---|--|
| <input type="checkbox"/> თანალოკაციის ფართის მოთხოვნა | <input type="checkbox"/> თბილისი, თბილისი წინამძღვრიშვილის ქ. #95<br><input type="checkbox"/> ქუთაისი, თამარ მეფის გამზ. #22<br><input type="checkbox"/> ბათუმი, 26 მაისის ქ. #47<br><input type="checkbox"/> თბილისი, შოთა რუსთაველის გამზ. #31 |
| მოთხოვნის თარიღი:                                     | მომსახურების მიღების სასურველი თარიღი :  |

თბილისი, წინამძღვრიშვილის ქ. #95 ან/და თბილისი, შოთა რუსთაველის გამზ. #31

ოპერატორის თანალოკაციის კარადა (ძირითადი მომსახურება) - ზომები:  
 აპარატურის ტიპი, მწარმოებელი, აღწერა და სერიული ნომერი:

სავარაუდო ფართი:  
 საერთო ელ. დატვირთვა:

დამატებითი მომსახურება:

სილქნეტის თანალოკაციის კარადა  სილქნეტის უწყვეტი ელ. კვება

ქუთაისი, თამარ მეფის გამზ. #22

ოპერატორის თანალოკაციის კარადა (ძირითადი მომსახურება) - ზომები:  
 აპარატურის ტიპი, მწარმოებელი, აღწერა და სერიული ნომერი:  
 სავარაუდო ფართი:  
 საერთო ელ. დატვირთვა:

დამატებითი მომსახურება:

სილქნეტის თანალოკაციის კარადა  სილქნეტის უწყვეტი ელ. კვება

ბათუმი, 26 მაისის ქ. #47

ოპერატორის თანალოკაციის კარადა (ძირითადი მომსახურება) - ზომები:  
 აპარატურის ტიპი, მწარმოებელი, აღწერა და სერიული ნომერი:  
 სავარაუდო ფართი:  
 საერთო ელ. დატვირთვა:

დამატებითი მომსახურება:

სილქნეტის თანალოკაციის კარადა  სილქნეტის უწყვეტი ელ. კვება

6. გადაცემა (ტრანსმისია)

ურთიერთჩართვის ტიპი:  E1 (2Mbit/s)  
 ახალი შეერთება:

ახალი შეერთების პროექტირება:  
 სილქნეტის მიერ;  
 ოპერატორის მიერ;

სხვა კომენტარი:

|  |   |
|--|---|
| ინტერფეისი<br>ოპერატორის ინტერფეისი<br><input type="checkbox"/> G.703, 120 Ω (2Mbit/s)<br><input type="checkbox"/> G.957 (STM-1)<br>(2Mbps,34Mbps,45Mbps 155 Mbps) | სილქნეტის ინტერფეისი<br><input type="checkbox"/> G.703, 120 Ω (2Mbit/s)<br><input type="checkbox"/> G.957 (STM-1)<br>(2Mbps,34Mbps,45Mbps 155 Mbps) |
|--|---|

|                 |   |   |
|-----------------|---|---|
| კონექტორის ტიპი | <input type="checkbox"/> 120 Ohm= DSUB or RJ 45<br><input type="checkbox"/> Optical = SC/PC | <input type="checkbox"/> 120 Ohm= DSUB or RJ 45<br><input type="checkbox"/> Optical = SC/PC |
|-----------------|---|---|

7. ტესტები

|   |
|---|
| <input type="checkbox"/> Transmission Test                    |
| <input type="checkbox"/> C7 Test                              |
| <input type="checkbox"/> დამატებითი ტესტები (გთხოვთ აღწეროთ): |

8. სილქნეტის საკონტაქტო ინფორმაცია

|                          |            |        |
|--------------------------|------------|--------|
| საკონტაქტო პირის ნომერი: | ელ. ფოსტა: | ფაქსი: |
|--------------------------|------------|--------|

9. დამატებითი ინფორმაცია

|  |
|--|
|  |
|--|

10. დასტური

ვადასტურებ, რომ გავეცანი, ვეთანხმები და უპირობოდ შევასრულებ სს „სილქნეტის“ საკუთარი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების შეთავაზების წინადადების (მოწვევის ოფერტის) ყველა პირობას.

კომპანიის ხელმძღვანელი

/\_\_\_\_\_ /

**„ოფერენტის“ თანალოკაციის ფართთან „აქცეპტანტის“ დაშვების პირობები**

1. მხარეთა მიერ „ხელშეკრულების“ ხელმოწერიდან 5 (ხუთი) დღის ვადაში, აქცეპტანტი ვალდებულია წერილობით წარუდგინოს ოფერენტს იმ თანამშრომლების ვინაობა, რომლებიც ხელშეკრულების მიზნებისათვის წარმოადგენენ თანალოკაციის ფართთან დაშვებაზე უფლებამოსილ ფიზიკურ პირებს (მათ შორის: სახელი, გვარი, პირადი ნომერი) და დოკუმენტი, რომელშიც მითითებული იქნება აქცეპტანტის დასტური რომ აღნიშნული პირები წარმოადგენენ მის თანამშრომლებს. აღნიშნული პირების ოდენობა არ უნდა აღემატებოდეს 20-ს. ოფერენტი უფლებამოსილია ნებისმიერ დროს მოსთხოვოს აქცეპტანტს სიაში მითითებული ნებისმიერი პირ(ებ)ის შეცვლა სხვა პირით, თუ არსებობს ობიექტურად და წერილობით დასაბუთებული მიზეზი იმისა, რომ აღნიშნული პირ(ებ)ი არაკეთილსინდისიერად იყენებდა დაშვების უფლებას, ან სხვა სახის ქმედებით პირდაპირ ზიანს აყენებდა ოფერენტს;
2. აქცეპტანტი ვალდებულია უზრუნველყოს ოფერენტის უფლებამოსილ წარმომადგენლებთან ერთად თანალოკაციის ფართში განთავსებული საკუთარი აპარატურის მარკირება, ოფერენტის მოთხოვნების დაცვით;
3. აქცეპტანტი ვალდებული იქნება:
  - 3.1. თანალოკაციის ფართში განთავსებული აპარატურ(ებ)ის ნებისმიერი სახის დაზიანების შემთხვევაში აპარატურ(ებ)ა შეაკეთოს თავისი ხარჯებით;
  - 3.2. თანალოკაციის ფართში საკუთარ აპარატურაზე სამუშაოები აწარმოოს ოფერენტის უფლებამოსილი წარმომადგენლების თანდასწრებით;
  - 3.3. „ხელშეკრულების“ შეწყვეტის ან კონკრეტული აპარატურ(ებ)ის დემონტაჟის მოთხოვნისას საკუთარი ხარჯით მოახდინოს განთავსებული აპარატურ(ებ)ის დემონტაჟი და მისი თანალოკაციის ფართიდან გატანა ხელშეკრულების შეწყვეტიდან/კონკრეტული აპარატურ(ებ)ის დემონტაჟის მოთხოვნიდან არაუგვიანეს 1 (ერთი) თვისა (მათ შორის წარმოადგინოს შესაბამისი აპარატურის საიდენტიფიკაციო მონაცემები, ტექნიკური აღწერილობა და წერილობითი დადასტურება რომ აღნიშნული აპარატურა წარმოადგენს აქცეპტანტის საკუთრებას), ასევე განთავსებული აპარატურ(ებ)ის დემონტაჟის და მისი თანალოკაციის ფართიდან გატანის პროცესი წარმართოს ოფერენტის უფლებამოსილი წარმომადგენლის თანდასწრებით, რის თაობაზე უნდა შედგეს შესაბამისი აქტი.
- 3.4. აქცეპტანტის მიერ კომპანიის მიერ, 3.3. პუნქტით გათვალისწინებული ვალდებულების, ამავე პუნქტით დადგენილ ვადაში შეუსრულებლობის შემთხვევაში, მხარეები თანხმდებიან, რომ აქცეპტანტმა უარი განაცხადა აპარატურაზე/აპარატურებზე და აღნიშნული აპარატურა/აპარატურები გადადის ოფერენტის საკუთრებაში, შესაბამისად ოფერენტი უფლებამოსილია თავად განახორციელოს აპარატურ(ებ)ის დემონტაჟი, ტრანსპორტირება, დასაწყობება ან/და მოახდინოს მისი განადგურება, ან სხვაგვარად განკარგოს აღნიშნული ქონება კანონმდებლობით დადგენილი წესით.

დანართი #3

სს „სილქნეტის“ თანალოკაციის ფართზე დაშვების - ტარიფები:

| მომსახურების ტიპი  | თბილისი | ქუთაისი | აჭარა | რუსთავი | ზუგდიდი | საქართველოს დანარჩენი რეგიონები |
|--|---------|---------|-------|---------|---------|---------------------------------|
| დაშვება თანალოკაციის ფიზიკურ ფართზე (ლარი/თვე კვმ-ზე)                                      | 114.48  | 124.63  | 99.19 | 107.47  | 28.84   | 69.75                           |
| დაშვების საათობრივი განაკვეთი – დღის სამუშაო [ორშაბათი – პარასკევი, 09:00–18:00] (ლარი/სთ) | 6.25    | 6.06    | 3.98  | 6.25    | 2.61    | 5.11                            |
| დაშვების საათობრივი განაკვეთი – დღის სამუშაოს გარდა (ლარი/სთ)                              | 8.75    | 8.49    | 5.57  | 8.75    | 3.66    | 7.16                            |

შენიშვნა: ფასები მოცემულია დღგ-ს გარეშე

აპარატურის სიმაღლის ტექნიკური სტანდარტი

აპარატურის სიმაღლის ტექნიკური სტანდარტი არის შემდეგი:

- აპარატურული კარადის მინიმალური ზომა 60X60X9U;
- აპარატურული კარადის მაქსიმალური ზომა 60X80X42U (2.20m);
- სერვერის მინიმალური ზომა 60X100X42U;
- სერვერის მაქსიმალური ზომა 80X100X42U.